

劉涓子鬼遺方
秘製大黃清寧丸方



叢書集成
初編

主編者
王雲五

商務印書館發行

033
114
:1432



方遺鬼子滑劉



3 0405 1556 5

撰宣慶龔

館圖北
藏書京

A 022287

劉涓子鬼造方

本館據讀畫齋叢
書本排印初編各
叢書僅有此本

劉涓子鬼遺方卷第一 并序

南北朝 龔慶宣撰

昔劉涓子。晉末。於丹陽郊外。照射。忽見一物高二丈許。射而中之。如雷電聲。若風雨。其夜不敢前追。詰旦率門徒子弟數人。尋蹤至山下。見一小兒提籮問何往。爲我主。被劉涓子所射。取水洗瘡。而問小兒曰。主人是誰人。云黃父鬼。仍將小兒相隨還來。至門聞搗藥之聲。比及遙見三人。一人開書。一人搗藥。一人臥爾。乃齊唱叫突。三人並走。遺一卷癰疽方。并藥一臼。時從宋武北征。有被瘡者。以藥塗之。卽愈。論者云。聖人所作。天必助之。以此天授武王也。於是用方爲治。千無一失。姊適余從叔祖。涓子寄姊書。具敘此事。并方一卷。方是丹陽白薄紙本寫。今手跡尙存。從家世能爲治方。秘而不傳。其孫道慶與余鄰居。情款異常。臨終見語。家有神方。兒子幼稚。苟非其人。道不虛行。尋卷診候。兼辨藥性。欲以相傳。屬余旣好方術。受而不辭。自得此方。於今五載。所治皆愈。可謂天下神驗。劉氏昔寄襲方。故草寫。多無次第。今輒定其前後。族類相從。爲此一部。流布鄉曲。有識之士。幸以自防。齊永元元年。太歲己卯。五月五日。撰。道慶曰。王祖母劉氏。有此鬼方一部。道慶祖考相承。謹按處治。萬無一失。舅祖涓子兄弟自寫。稱云無紙。而用丹陽錄。永和十九年。資財不薄。豈復無紙。是以此別之耳。

宋永和祇十二年且去
宋武甚遠疑元嘉之訛

黃父曰。夫言癰疽。何以別之。岐伯答曰。榮衛稽留於經脈之中。久則血澀不行。血澀不行。則衛氣從之不

通。壅遏不得行。火不止。熱勝。熱勝則肉腐爲膿。然不能陷膚。於骨髓不爲燥枯。五藏不爲傷。故曰癰。黃父曰。何爲疽。岐伯曰。熱氣浮盛。當其筋骨。良肉無餘。故曰疽。疽上皮肉以堅。上如牛領之皮。癰者薄以澤。背其候也。黃父曰。及如所說。未知癰疽之姓名。發起處所。診候形狀。治與不治。死活之期。願一一聞之。岐伯曰。癰疽圖曰。

赤疽發額。不寫十餘日死。其五日可刺也。其膿亦多血。死。未有膿可治。人年 二十五。 三十一。 六十。 九十五者。在額不可見血。見血者死。

禽疽發如軫者。數十數。其四日腫合。牽核痛。其狀若蟻。十日可刺。其肉發身核寒。齒如噤。欲痊。如是者十。五日死。

杼疽發頂。若兩耳下不寫。十六日死。六日可刺。其色黑。見膿而癰者。死不可治。人年 十九。 二十三。 三十五。 三十九。 五十一。 五十五。 六十一。 八十七。 九十九。百神在耳下。不可見血。見血者。死。

丁疽發兩肩比起有所逐。惡結血流。內外榮衛不通。發爲丁疽。三日。身腫痛甚。口噤如瘞狀。十一日可刺。不治二十日死。

蜂疽發背。起心膺。若連肩骨。二十日。不治死。八日可刺。其色赤黑。膿見青者。死。不可治。人年 一十八。

二十四、三十五、六十七、七十二、九十八者。百神在肩。不可見血。見血者死。

陰疽發髀。若陰股。始發腰強。內不能自止。數飲不能多。五日堅痛。不治。三歲而死。

刺疽發起肺膈。不寫。二十日死。其八日可刺。發而赤。其上的肉如椒子者。死不可治。八年。十九、二十五、二十九、三十九、五十七、六十、七十三、八十一、九十七。百神在背。不可見血。見血者死。

脈疽發頸項。如痛身隨而熱。不欲動悄悄。或不能食。此有所大畏恐駭。而不精。上氣嗽。其發引耳。不可以腫。二十日可刺。不刺。八十日死。

龍疽發背。起胃俞。若腎俞。二十日不寫。死。九日可刺。不刺。其上赤下黑。若青膿黑。發血膿者不死。

首疽發熱八十日。一方云八九日。大熱汗。頭引血盡。如嗽。身熱同。同如沸者。皮頗腫。淺刺之。不刺。二十日死。

榮疽發脅。起若兩肘頭。二十五日不寫。死。九日可刺。膿多赤白。而可治也。八年。一歲。十六、二十六、

三十二、四十八、五十八、六十四、八十、九十六。百神在脅。不可見血。見血即死。

行疽。發如腫。或後合相從。往來不可。要其所在刺之。即愈。

勇疽發股。起太陰。若伏鼠。二十五日不寫。死。其十日可刺。勇疽發膿青黑者。死。白者。尚可治。不可治。八年。

十一、十五、二十、三十一、三十三、四十六、五十九、六十三、七十五、九十一、百神皆在尻尾。不可見血。見血者死。

標叔疽發背。熱同。耳聾。後六十日。腫如聚水。其狀若如此者。可刺之。但出水後。及有血出。即除。愈也。不

可治。人年五十七、六十五、七十三、八十一、九十七者。百神在背。不可見血。見血者死。

癩疽發足。跌若足下三十日不寫。死。其十二日可刺。癩疽者。白膿不太多。其瘡上瘳赤黑者。死。不可治。人

年十三、二十九、三十五、六十一、七十三、九十三。百神在足。不可見血。見血者死。

衝疽發小腸。痛而振寒熱。四日五日悄悄。六日而變。刺之。五十日死。

敦疽發兩指頭。若五指頭。七八日不寫。死。其四日可刺。其發而黑。擁者不堪。未過指節。可治。一方不呼為敦疽。恐是刺寫明。

掌引為

敗疽。

疥疽發腋下。若兩臂兩掌中。振寒熱而瘳乾者。飲多即嘔。心煩悄悄。六十日而漸合者。如此可有汗。如無

汗者死。一方云床疽。明堂亦引為床癩。

筋疽皆發脊兩邊大筋。其色蒼。八日可刺。若有膿在肌腹中。十日死。

陳乾疽發兩臂。三四日痛不可動。五十日身熱而赤。六十日可刺。如刺無血。三四日病愈。

搔疽發手足五指頭起節其色不變十日之內可刺過時不刺後爲蝕有癰在脈腋三歲死。

叔疽發身腫牽核而身熱不可以行不可以屈伸成膿刺之以除。

白疽發脾若肘後痒自痛傷乃身熱多汗五六處有者死心主癰疽在股脛六日死發膿血六十日死。

黑疽發腫居背大骨上八日可刺過時不刺爲骨疽。

骨疽膿出不可止壯熱碎骨六十日死脇少陽有癰腫在頸八日死發膿血者十日死。

倉疽發身痒後痛此故傷寒氣入藏篤發爲倉疽九日可刺之不刺九十日死矣。

腰太陽脈有腫交脈屬於陽明在頸十日死發腫七十日死。

尻太陽脈有腫腫在尻六日死發膿血六十日死或八十日死。

頭陽明脈有腫腫在足心少陽八日死發膿血六十日死。

股太陰有腫腫在足太陽十七日死發膿血百日死。

肩太陽脈有腫腫在頸八日死發膿血百日死。

足少陽脈有腫腫在臨八日死發膿血六百日死。

手陽明脈有腫癰在腋淵一歲死發膿三歲死。

黑疽發腋淵死。

黑疽發耳中如米大。此疽不治死。

黑疽發肩死。黑疽發缺盆中。名曰伏疽。不治死。

赤疽發於脾。半夜可治。出歲死。

黑疽發肘上下。不死。可治。

髀解除指本黑頭赤死。

黑疽發掌中。不死。可治。

赤疽發陰股。軟可治。堅死。

赤疽發肥腸死。

黑疽發腋臑。軟可治。堅不可治。

赤疽發掌中。不可治。

黑疽發趺上。堅死。

足下久腫。癰色赤死。

癰高而光者。不大熱。用薄雍。其肉平平無異而紫色者。不須治。但以黃耆并淡竹葉湯申其氣耳。癰平而痛。用八物黃耆薄。大癰七日。小癰五日。其自有堅強色診。寧生破。發背及發乳者。熱手近不得者。令人之

熱熱。先服王不留行散。外散。外摩發背大黃膏。若背生破無善在乳者。熱之候。手按之。若隨手起。便是熱。針法要臆看。以意消息之。背脊不可過一寸。針良久不得膿。即以食肉膏散差。灸頭肉。癰口中人體熱氣。獸服木瓜散。五日後癰欲差者。排膿內寒散。

凡破癰之後。病人便連綿欲死。內寒熱。腫自有似癰而非者。當以手按腫上。無所連。是風毒耳。勿針。可服昇麻湯。外摩膏破癰口。當合流下三分。近一分針。唯令極熱。便不痛。破癰後敗壞不差者。作豬蹄湯洗之。日再下湯。二日故可用。疹六七日。湯半劑。亦可用。胸中斷氣。斷氣者當入關中。以手按左眼視右眼。見光者胸中結癰。若不見光者。癰疽內發。針傷脈。血不出。住實不寫。留成癰。腎脈來者大。漸小陰結。若肌肉瘰癧。癰爲發。寸口如此來大。如未漸小矣。

有黑色者。是石留黃毒。有赤色者。是丹砂毒。有青色者。是礪砂毒。有似鹽顆者。是鍾乳毒。有黃水者。是杏桃人毒。有白水者。是附子乾薑毒。有膿者。熱肉麪等毒。礪砂發。白雄鴨頂上血一合。已來。取黑鉛湯一茶碗。調服之。解。鍾乳發。雄雞肘上血一合。將鐵粉湯一茶碗。調服之。解。附子發。取附子皮三半。鼓半升。相和。以水一升煎。約一茶碗。服之。解。丹砂發。取黑鉛、黃耆、防風、伏龍肝、各半兩。水一升。煎半茶碗。去滓。服之。解。

劉涓子鬼遺方卷第二

治金瘡止血散方

治金瘡血肉瘦蝙蝠散方

治金瘡肉瘦蒲黃散方

治金瘡箭肉中不出白蘞散方

治金瘡中腸出小麥散方

治金瘡腸出欲入礮石散方

治金瘡煩悶止煩白芷散方

治金瘡先有散石消石散方

治金瘡痛不可忍當歸散方

治金瘡弓弩所中悶絕琥珀散方

治金瘡弓弩所中筋急弩筋散方

治金瘡內傷蛇銜散方

鬼遺方 卷二

治金瘡中筋骨續斷散方

治金瘡煩疼麻黃散方

治金瘡煩滿白薇散方

治金瘡去血當歸散方

治金瘡去血多虛菝蓉散方

治金瘡內塞澤蘭散方

治金瘡內塞黃耆散方

治金瘡中肉藥藍子散方

治金瘡大渴覆麥散方

治被打腹中瘀血蒲黃散方

治癰疽金瘡止痛生肉膏方

治癰疽金瘡生肉甘菊膏方

治癰疽金瘡生肉膏方

治金瘡腹內瘀血烏雞湯方

治金瘡內有瘀血未及得下烏雞湯方

治金瘡有瘀血桃核湯方

治金瘡驚悸。純心湯方

治金瘡癰疽生肉膏方

治被打有瘀血。白馬蹄散方

治金瘡止血散方

烏章根 三兩

白芷 一斤

鹿茸 二分
燒灰

當歸 一斤

芎藭 一斤

乾地黄 一斤
蒸焙切

續斷 一斤

右七味。搗篩令調。著血出處即止。

治金瘡血肉癢。蝙蝠消血散方

蝙蝠三枚。燒令煙盡。沫下絹篩之。

右以水服方寸匕。一日服令盡。當下如水血消也。

治金瘡肉癢。蒲黃散方

七月七日麻勃 一斤

蒲黃 二兩

右二物搗篩爲散。溫酒調服一錢。七日五服。夜再兩服。

治金瘡箭肉中不出。出箭。白斂散方

白斂 二兩

半夏

三兩。湯洗七遍。生薑浸一宿。熬過。

右二味爲末。調水服方寸匕。日三服。若輕淺瘡。十日出。深二十日出。終不停住肉中。

治金瘡中腹。腸出不能內之。小麥飲噴瘡方

取小麥五升。水九升。煮取四升。去滓。復以綿度濾之。使極冷。傍含噴之瘡。腸自上漸漸入。以冷水噴其背。不中多人見。亦不欲令傍人語。又不可病人知。或晚未入。取病人席四角。令病人舉搖。須臾腸便自入。十日之內不可飽食。類食而宜少。勿使病人驚。驚則煞人。

治金瘡腸出欲入。礮石散方

礮石 三兩

滑石 三兩

右二物下篩。理令調。飲日方寸匕。日五服。夜再服。

治金瘡煩悶。止煩。白芷散方

白芷 二兩

芎藭 二兩

甘草 二兩
炙

右三味。熬令變色。搗爲散。水調。服方寸匕。日五服。夜再服。

治金瘡。先有散石。煩悶欲死。大小便不通。止煩消血。解散消石散方

消石

澤瀉

白斂

芍藥

寒水石

苦蕒

已上各一兩

右六味。搗篩爲散。水服方寸匕。日夜各一服。或未通。稍增之。

治金瘡不可忍。煩疼不得住。止痛當歸散方

當歸

甘草

芫花

藜蘆

桂心

木占斯

已上各一兩

右五味。合搗篩令調。水服半方寸匕。日三服。夜一服。

治金瘡弓弩所中。悶絕無所識。琥珀散方

琥珀隨多少。搗篩。以童子小便服之。乃熱。不過三服便差。

治金瘡弓弩所中。筋急屈伸不得。敗弩散方

乾地黄 十分

乾棗 三枚

杜仲 二分

當歸 四分

附子 四分

故敗弩筋

燒灰。取五分

右七味。合搗篩。理令勻。溫酒服方寸匕。日三服。夜一增。一至三。

治金瘡內傷。蛇銜散方

蛇銜 甘草炙 芎藭 白芷 當歸兩各一 續斷

黃芩 澤蘭 乾薑 桂心各三分 烏頭炮五分

右十一味。合搗篩。理令勻。酒服方寸匕。日三服。夜一服。

治金瘡中筋骨續斷散方

芎藭一兩半 地黃二兩 蛇銜二兩 當歸一兩半 菴蓉一兩半 乾薑三分

附子炮三分 漢椒三分出 桂心三分 人參一兩 甘草一兩 細辛二分 白芷三分
汗去目 一本用芍藥一兩半

右十四味。搗篩。理令勻。調溫酒服之。方寸匕。日三服。夜一服。

治金瘡煩疼麻黃散方

麻黃六分去節 甘草五分 乾薑三分 附子三分 當歸三分 白芷三分

續斷三分 黃芩三分 芍藥三分 桂心三分 芎藭三分

右十一味。搗篩。理令勻。調溫酒服。方寸匕。日三服。夜一服。

治金瘡煩滿。疼痛不得眠睡。白薇散方

白薇

苦蕒

枳實炒

辛夷去毛

甘草炙

石膏已上各一兩

厚朴炙二分

酸棗炙二分

右八味爲末。調溫酒服。方寸匕。日三服。夜一服。

治金瘡去血多。虛竭。內補。當歸散方

當歸三分

芍藥五分

乾薑三分

辛夷去毛二分

甘草三分

右五味。搗篩。理令勻。調溫酒服。方寸匕。日三服。夜一服。

治金瘡去血多。虛竭。內補。菴蓉散方

菴蓉

當歸

甘草炙

芎藭

黃芩

桂心

人參

芍藥

乾薑

吳茱萸

白及

厚朴炙

黃耆各一兩

蜀椒

三分。出汗。去目。閉口。

右十四味。篩理令勻。調溫酒服。方寸匕。日三服。夜一服。

治金瘡內塞。澤蘭散方

澤蘭 防風 蜀椒去自汗，開口。 石膏末。 附子炮。 乾薑

細辛 辛夷去毛，各二兩。 芎藭三分。 當歸三分，炒。 甘草四分，炙。

右十一味，篩理令勻，調溫酒服方寸匕，日三夜一，膿多，倍甘草，渴，加苦蕒二分，煩，加黃芩二分，腹滿氣短，加厚朴二分，瘡中血瘀，加辛夷一倍。

治金瘡內寒，黃耆散方

黃耆三兩。 芎藭 白芷 當歸 麻黃去節。 鹿茸 黃芩

細辛 乾薑 芍藥 續斷 桑蟲屎已上各一兩。 附子半兩，炮。 山茱萸一兩。

右十四味，搗篩理勻，調溫酒服，方寸匕，日三服，夜一服，漸可至二匕。

治金瘡中菌藥，解毒，藍子散方

藍子五合。 升麻八兩。 甘草四兩，炙。 王不留行四兩。

右四味，搗篩理令勻，調冷水服二方寸匕，日三夜二，及以方寸匕水，和勻塗瘡上，毒即解去矣。

治金瘡大渴內補，饗麥散方

嬰麥 芎藭 當歸 甘草炙 乾薑 桂心 續斷

厚朴炙 白斂 蜀椒去目開口汗 辛夷去毛 牡蠣末 芍藥 桔梗

乾地黄 防風各三分 細辛二分 苦蕒一分 人參三分

右十九味。搗篩理令勻。調溫酒服方寸匕。日三夜一。或筋骨斷。更加續斷三分。

治被打腹中瘀血。蒲黃散方

蒲黃升一 當歸兩二 桂心兩二

右三味。搗篩理勻。調酒服之。方寸匕。日三夜一。不飲酒。熱水下。

治癰疽金瘡。續斷生肌膏方

續斷 乾地黄 細辛 當歸 芎藭 黃耆 通草

芍藥 白芷 牛膝 附子炮 人參 甘草炙各二兩 臘月豬脂四升

右十四味。咬咀。諸藥內膏中。漬半日。微火煎。三上。候白芷色黃。膏即成。傅瘡上。日四五。膏中是豬脂煎。

治金瘡癰疽。止痛生肌。甘菊膏方

茵草

芎藭

甘草

炙

防風

黃芩

大戟

已上各一兩

生地黃

四兩

芍藥

半一兩

細辛

大黃

蜀椒

去目閉口汗

杜仲

黃耆

各半兩

白芷

一兩

右十四味咬咀以臘月豬脂四升微火煎五上下白芷候黃成膏一方添甘菊二兩以傅瘡上日易兩次。

治癰疽金瘡生肌膏方

大黃

芎藭

芍藥

黃耆

獨活

當歸

白芷

已上各一兩

薤白

二兩別方一兩

生地黃

一兩別方二兩

右九味合薤咬咀以豬脂三升煎三上下白芷黃耆成統去滓用磨之多少隨其意。

治金瘡腹內有瘀血烏雞湯方

烏雞雞

一隻

大黃

三兩

細辛

三兩

人參

一兩

甘草

一兩炙

地黃

三兩

杏仁

一兩去皮雙入

盲蟲

一兩

當歸

二兩

芍藥

一兩

黃芩

一兩

桃人

二兩去皮碎

大棗

二十枚

右十三味理烏雞如食法以水二斗煮雞取一斗咬咀諸藥內雞汁中更煮取三升統去滓通塞溫傷

出困甚者，初服五合，以一日二夕盡湯，便應下食之粥，慎食他物。

治金瘡內有瘀血，未及得出，而反成膿，烏雞湯方

烏雞一隻 白芷 麥門冬去心 甘草炙

芍藥 當歸已上各一兩 桂心二兩 瓜蒌二兩

右八味，先理雞如食法，以水二斗，煮取七升，咬咀諸藥，內汁中，更煮，取三升，去滓，服七合，日三，夜勿食。

治金瘡有瘀血，桃核湯方

廔蟲三十枚，熬 蜜蟲 水蛭各三十枚，熬 桂心二分 大黃五兩 桃核五十枚，去皮切

右六味，酒水各五升，咬咀，合煮，取三升，去滓，服一升，日三服。

治金瘡驚悸，心中滿滿如車所驚，恒，獫狁湯方

獫狁一具 人參 桂心 甘草炙 乾地黄

桔梗 石膏末 芎藭各一兩 當歸二兩

右九味，細切，剉，諸藥咬咀，先以水二斗，煮心，取汁八升，內諸藥，煮，取一升，一服八合，一日令盡。

治金瘡癰疽生肉膏方

黃耆

細辛

生地黃

蜀椒

去目汗
閉口

當歸

芍藥

薤白

芎藭

獨活

菴藜

白芷

丹參

黃芩

甘草

已上各
一兩

臘月豬脂

二斤
半

右十五味。咬明。以苦酒一升。合漬諸藥。夏一夜。冬二夜。浸。以微火煎。三上候。苦酒氣成膏。用之。治被打腹中瘀血。白馬蹄散方。

白馬蹄。燒令煙盡。搗篩。溫酒服方寸匕。日三夜一。亦治婦人血疾。消爲水。

劉涓子鬼遺方卷第三

治強壯熱癰疽。大黃湯方

治發癰疽。兼結實。淡竹葉湯方

治發背發乳癰疽。生地黄湯方

治乳癰已服前湯。又淡竹葉湯方

治癰疽虛熱。生地黄湯方

治癰疽內虛熱大渴。黃耆湯方

治背。生地黄湯方

治癰疽內虛。黃耆湯方

治癰疽。五味竹葉湯方

治癰疽發背乳。遠志湯方

治發背乳下復任。白石脂湯方

治發癰疽取痢。竹葉湯方

鬼遺方 卷三

治發癰疽痢小便。竹葉湯方

治發癰疽痢後小竹葉湯方

治發背癰兼味竹葉湯方

治發背已潰白石脂湯方

治發背大去膿汁。黃耆湯方

治癰疽內虛。生地黃湯方

治發背。黃耆湯方

治炎疽。枳實湯方

治腸癰。大黃湯方

治背上欲有疹。大黃湯方

治婦人妬乳。辛夷湯方

治婦人乳結腫。黃耆湯方

治癰腫熱盛。黃耆湯方

治發癰疽去膿血多內補。黃耆湯方

治癰疽去膿多虛滿。竹葉湯方

治癰腫增損竹葉湯方

治癰壞後黃耆湯方

治年四十已還強壯。常大患熱癰無定處。大小便不通。大黃湯方

大黃 三兩

梔子 五十個

升麻 二兩

黃芩 三兩

芒消 一兩別方二兩

右五味切。以水五升。煮取二升四合。去滓。下消。統調分溫三服。快利為度。

治發癰疽兼結實。大小便不通。寒熱已服五痢湯。吐出不得下。大渴煩悶。淡竹葉湯方

淡竹葉 切四升。去尖

苦蕒 四兩

通草

前胡

升麻

茯苓

黃芩

知母

甘草 炙

石膏 末。已上各二兩

生地黄 十兩

芍藥 一兩

大黃 三兩

黃耆 三兩

當歸 一兩半

人參 一兩

右十六味。先以水一斗六升。煮竹葉去葉。取九升。內諸藥。後煮取三升二合。分四服。日三夜一。快利便

止。不必盡湯。湯盡不利。便合取利。

治發背發乳。四體有癰疽。虛熱大渴。生地黃湯方

生地黃 兩^十

竹葉 升^四

黃芩

黃耆

甘草 炙

茯苓

麥門冬 去心已上 各三兩

升麻

前胡

知母

芍藥 各二兩

苦蕒 兩^四

大棗 二十枚 去核

當歸 半兩

人參 兩^一

右十五味。先以水一斗五升。煮竹葉。取一斗。去葉。內諸藥。煮取三升六合。分爲四服。日三夜一。

治發背乳癰。已服生地黃湯。取利後。服此。淡竹葉湯方

淡竹葉 升^四

麥門冬 去心

黃耆

芍藥

乾地黄

生薑 已上各三兩

前胡

黃芩

升麻

遠志 去心

苦蕒 各二兩

大棗 十四枚

當歸 兩^一

右十三味。先以水一斗八升。煮竹葉及小麥一斗。去滓。內諸藥。再煮取三升。分溫三分。

右語。煮竹葉小麥。恐是麥門冬也。是

小麥非也。

治癰疽虛熱。生地黃湯方

生地黃 兩.五

人參

甘草 炙.

黃耆

芍藥

茯苓 各三兩

當歸

芎藭

黃芩

通草 各二兩

大棗 二十枚

淡竹葉 切成三升

右十二味。先以水二斗。煮了水。取一斗五升。去滓。復諸藥。再煮。取四升八合。一服八合。日三。夜再。能頓服為佳。

治癰疽內虛熱渴甚。黃耆湯方

生地黃 兩.八

竹葉 切成三升

小麥 二升

黃耆

黃芩

前胡

芎藭 各三兩

苦蕒 四兩

通草

芍藥

升麻

茯苓

甘草

知母 各二兩

人參

當歸 各一兩

右十六味。先以水二斗。煮竹葉及小麥。取一斗二升。去滓。復煮諸藥。取四升。分四服。日三夜一。小便利。除通草。茯苓。加麥門冬。腹滿。加石膏三兩。熱盛。去人參。當歸。

治背。生地黃湯方

生地黃 兩.八

人參

甘草 炙.

芍藥 各二兩

通草

茯苓

黃耆

黃芩

各三兩

淡竹葉

切二升

大棗

二十枚

當歸

芎藭

各一兩

右十二味。先以水三斗。煮竹葉。取一斗。去滓。內諸藥。再煮四升。一服八合。日三夜再。若能每服一升佳。

治癰疽內虛。黃耆湯方

黃耆

人參

甘草

炙

芍藥

當歸

生薑

各三兩

大棗

二十枚

乾地黄

茯苓

各二兩

白朮

一兩

遠志

一兩半

右十一味。以水一斗三升。煮取四升。去滓。分溫四服。

治癰疽。五味竹葉湯方

竹葉

切二升

五味子

前胡

當歸

乾地黄

人參

各二兩

小麥

二升

黃耆

黃芩

麥門冬

去心

生薑

各三兩

甘草

一兩半炙

升麻

一兩

大棗

十四枚

桂心

半兩

右十五味。先以水二斗。煮竹葉小麥。取一斗。去滓。內諸藥。煮取三升。分溫四服。日三夜一。

治癰疽發背乳大去膿後虛憊少氣欲死服此遠志湯方

遠志去心

當歸

甘草炙

桂心

芎藭各一兩

黃耆

人參

麥門冬去心各三兩

茯苓二兩

乾地黄二兩

生薑五兩

大棗十四枚

右件十三味以東流水一斗煮取三升二分溫四服日三夜一

治發背乳下復住服此白石脂湯方

白石脂四兩

龍骨三兩

當歸

桔梗

女萎

黃連去毛

甘草已上各二兩

白頭翁一兩

乾薑三兩

右九味以水九升煮取三升二分四服下住便止不必盡服當下未即來日止

治發癰疽取利熱小便退不用食物竹葉湯方

淡竹葉切三升

小麥二升

乾地黄

人參

黃芩

前胡

升麻各二兩

麥門冬去心

生薑

黃耆

芍藥各三兩

大棗十四枚

桂心半兩 遠志半兩 當歸一兩 甘草炙

右十六味切先以水一斗八升煮竹葉小麥取一斗去滓內諸藥又煮取三升分二服羸者分四服日三夜一

治癰疽取下後熱少退小便不利竹葉湯方

淡竹葉切一升 小麥三升 乾地黃四兩 黃耆 人參 甘草炙 芍藥

石膏末 通草 升麻 黃芩 前胡各二兩 大棗十四枚 麥門冬三兩

右十四味先以水一斗六升煮竹葉小麥取九升去滓內諸藥煮取三升二合強即分三服羸即四服日三夜一

治癰疽取利後熱小便不利竹葉湯方

竹葉切三升 小麥二升 人參 黃芩 前胡 芍藥

甘草炙 乾地黃 當歸 桂心各二兩 黃耆三兩 麥門冬三兩

龍骨三兩 牡蠣一兩 赤蝮蠍三十枚 大棗十四枚

去核

右十六味。以水二斗。煮竹葉小麥取一斗。去滓。內諸藥。煮取四升。分四服。日三夜一。
治發背癰。及發乳。兼味竹葉湯方

淡竹葉 切三升 小麥 三升 黃耆 黃芩 五味子

人參 前胡 乾地黃 當歸 各二兩 大棗 十四枚

麥門冬 二兩 去心 升麻 一兩 桂心 半兩 甘草 一兩 炙 生薑 三兩

右十五味。以水二斗。煮竹葉小麥取一斗。去滓。內藥。煮取三升。分溫三服。一日服。

治發背已潰。而下不住。白石脂湯方

白石脂 四兩 龍骨 三兩 當歸 二兩 桔梗 二兩

女萎 白頭翁 各四兩 黃連 二兩 乾薑 三兩

右八味。以水九升。煮取三升。三合。去滓。服八合。日三夜一。

治發背已潰。大膿汁。虛憊少氣力。內補黃耆湯方

黃耆 三兩 乾地黃 人參 茯苓 各二兩 當歸 芍藥 芎藭

桂心

遠志

去心各一兩

甘草 一兩半

麥門冬

去心三兩 生薑五兩

大棗

十四枚

右十三味。以水一斗。煮取三升二合。去滓。分溫四服。日三夜一。

治癰疽內虛熱。生地黄湯方

生地黄

兩五

人參

甘草

炙

芍藥

茯苓

芎藭

通草

黃芩

當歸

各二兩

大棗

二十枚

竹葉

切三升

右十二味。以水三斗。煮竹葉。取半。去滓。內諸藥。煮取四升。分五服。日三夜二。能服一升可佳。

治發背。黃耆湯方

黃耆

黃芩

遠志

麥門冬

去心各二兩

乾地黄

人參

芎藭

甘草

炙

芍藥

當歸

各一兩

大棗

二十枚

生薑

五兩

雞臍脰二具

勿去皮

桑螵蛸

十四枚

炙

右十四味。以水一斗。先煮。取四升。五合。一服。九合。日三服。夜一服。

治灸疽。枳實湯方。甘林所祕不得。

枳實 炙
夜干
升麻
乾地黄
黄芩

前胡 各三兩
犀角 一兩半
大黃 二兩半
麝香 兩半
一方用甘草二兩

右九味。咬咀。以水九升。煮取分溫三服。須差也。

治腸癰。大黃湯。癰之爲病。診小腹腫痞堅。按之則痛。或在膀胱左右。其色或赤或白。堅大如掌熱。小便欲調時。色色汗出。時復惡寒。其脈遲堅者。未成膿也。可下之。當有血脈數。膿成不可服此方。

大黃 四兩
牡丹 三兩
芥子 半升
消石 三兩
桃人 五十枚。去皮炒切之。

右五味。咬咀。以水六升五合。分爲兩服。臙下。無者下血大良。

治背上初欲作疹。便服此。大黃湯方。

大黃 三兩
梔子 一百枚。去皮。
升麻
黄芩
甘草 炙各三兩

右五味。以水九升。煮取三升半。分爲三服。得快下。數行便止。不下更服。

治婦人妬乳。辛夷湯方。

辛夷 一升。去毛。
大棗 三十枚。
桂長一尺
防風 二分。

白朮 甘草一尺 生薑二分 澤蘭一升

右八味切以水一斗煮取三升分溫三服

治婦人客熱乳結腫或潰或作癰內補黃耆湯方

黃耆 茯苓各三兩 芍藥二兩 麥門冬三兩 甘草二兩

厚朴一兩 人參三兩 生薑四兩 乾地黄三兩

右九味切以水一斗二升煮取三升分五服日三夜一

治癰腫患熱盛黃耆湯方

黃耆 麥門冬三兩 黃芩六分 梔子十四枚

芍藥二兩 苦蕒二兩 乾地黄二兩 升麻一兩

右八味剉以水一斗煮取三升分溫三服

治發癰疽腫潰去膿多裏有虛熱內補黃耆湯方

黃耆二兩 茯苓 桂心 人參各二兩 麥門冬三兩 甘草六分

生薑 一兩
遠志 二兩
當歸 二兩
五味子 四兩
大棗 二十枚

右十一味切以水一斗煮取四升分六服日四夜二

治癰去膿多虛滿上氣竹葉湯方

竹葉 二兩
半夏 二兩
甘草 二兩
厚朴 三兩
小麥 四升
生薑 五兩

當歸 一兩
麥門冬 二兩
人參 一兩
桂心 各一兩
黃芩 三兩

右十一味切以水一斗半先煮竹葉小麥取九升去滓又煮諸藥取二升分溫三服

治癰疽腫煩熱增損竹葉湯方

竹葉 一握
當歸 一兩
茯苓 一兩
人參 一兩
前胡 一兩
黃芩 一兩

桂心 一兩
芍藥 各二兩
甘草 三兩
大棗 二十枚
小麥 一升
麥門冬 一升

右十二味切以水一斗六升煮竹葉小麥取一斗一升去滓內諸藥煮取三分服日三夜重加黃耆

二兩胃中惡加生薑六兩下者減芍藥黃芩各六分如體強羸者以意消息之

治癰疽後補寒去客熱黃耆湯方

黃耆

生薑

石膏

甘草

芍藥

升麻

人參

知母

茯苓

桂心

麥門冬

大棗

乾地黄

右十三味切以水一斗二升煮取四升分溫四服日三夜一

各一兩

六分

二兩

十四枚

一兩

已上各二兩

劉涓子鬼遺方卷第四

九江黃父癰疽論

釋癰疽色診

相癰疽知是非灸法

相癰疽知有膿可破法

治癰疽腫松脂枯方

治癰疽腫松脂枯方

治癰疽松脂枯腫方

治癰疽升麻薄極冷方

治癰疽白斂薄方

治癰疽始一二痛猪膽薄方

治癰疽腫熱盛除熱黃耆湯方

治客熱鬱積在內或生癰黃耆湯方

鬼遺方 卷四

治癰未潰黃耆湯方

治癰內補竹葉湯方

治補度冷下赤石脂湯方

治取冷過寒下溫中湯方

治斷下補胃附子湯方

治癰及惡瘡猪蹄湯洗方

治癰腫壞多汗猪蹄湯方

治肘疽方

治癰最膿增損散方

治癰消膿木占斯散方

治發背婦人發房木占斯散方

治諸癰腫未潰嬰麥散方

治瘡食惡肉散方

治癰疽食惡肉散方

治癰疽發膏方

治食突青龍膏方

治癰疽金瘡生肌膏方

治癰發壞出膿血黃耆膏方缺

治癰疽侵淫瘡膏方缺

治癰疽或如桃核雞子焮熱搗湯方缺

治癰諸疽十指焮熱豬蹄湯方缺

治癰疽多汁浸大粉散方缺

治丹癰疽始發焮熱搗湯方

黃父癰疽論

九江黃父問於歧伯曰。余聞腸胃受穀。上焦出氣以溫分肉。而養骨節。通湊理。中焦出氣如露。注谿谷。而燥經脈。津液和調。變化而赤爲血。血和則乘脈先滿。乃注於經絡。經絡皆盈。乃注於經絡。旬有脫誤陰陽已張。而息乃行。行有經紀。周有道理。與天合同。不得休止。切而調之。從虛去實。寫則不足。疾則氣留。去虛補實。則有餘。血氣已調。形神乃持。余已知血氣平與不平。未知癰疽之所從生。成敗之時。死生之期。期有遠近。何

以度之可知聞乎。

歧伯曰。經脈流行不止。與天同度。與地同紀。故天宿失度。日月薄蝕也。經始紀冰道流溢。草蠹不成。五穀不植。經路不通。民不往來。菴聚邑居。別離異處。血氣猶然。則言其故。

夫血脈榮衛。周流不休。上應星宿。下應經數。寒客於經絡之中。則血泣。泣則不通。不通則歸之不得。復及。故癰腫與寒氣化爲熱。熱勝則肉腐。肉腐則爲膿。膿不寫。則爛筋。筋爛則傷骨。骨傷則水髓消。不當骨肉不寫。筋枯空虛。筋骨肌肉不得相親。經脈敗漏。薰於五藏。五藏傷。故死矣。

黃父曰。願聞於癰疽之形。與其期日。

歧伯曰。略說癰疽極者。一十八種。癰發於噎。名曰猛疽。猛疽不治。則化爲膿。膿塞其咽。半日死。其爲者寫則已。含豕膏無冷寫。三日而已。一方無冷食。發於頸者。名曰天疽。其狀癰大而赤黑。不急則熱氣下入淵脈。腋

前。傷任脈。內薰肝脈。十餘日死。陽氣大發消腦。名曰腦澤。其色不樂。項痛如刺。以藏頭。乘心者不治。本作留字。

發於肩及臚者。名曰雌癰。其狀赤黑。急治之。此令人汁出。至足不害五藏。
發於腋下赤堅者。名曰米疽。治之。犯石。欲細長疏。或云塗豕六膏。日以勿褻。其疽堅而不潰者。馬刀夾纓。乃治之。

發於胷者。名曰井疽。其狀如大豆。三四日起。不早治。下入腹。不治。十日死。

發於臆者。名曰甘疔。其狀如穀實萎蕪。常寒熱。急治之。去其寒。十歲似死。死後臆自出。

發於脅者。名曰改營。改營者。女子之病也。久之。其疾大癰。臆治之。其中乃有生肉。大如赤小豆。劉陵翹草。陵根。各一升。水六升。煮之。竭。爲三升。卽強飲。厚衣坐釜上。令汗出。至足已。

發於股陽明。名曰股癰疽。其狀不甚變。而癰膿附骨。不急治。四十日死。

發於股陰。名曰赤施疽。不急治。六日死。在兩股之內。不治六日死。一方云十日死。發於尻。名曰兌疽。其狀亦堅大。

急急治之。不速治。三十日死。

發於膝。名曰雌疽。其狀癰色。不寒熱而堅。勿破。破之死。須以手緩柔之。乃破。

諸疽發於節。而相應之者。不可治之也。

發於陽者。百日死。

發於陰者。四十日死。

發於腦。名曰菟齧。其狀疾。赤至胃。急治之。不治。煞人。

發於蹠。名曰走浚。其狀癰也。急不變。灸而止。其寒熱不死。

發於足上。名曰四淫。其狀如癰。不急治之。百日死。

發於足。名曰厲疽。其狀初小指發。急治之。去其黑者。不輒益。不治百日死。發於足指。名曰脫疽。其狀赤黑不死。治之不衰。急漸去之。治不去。必死矣。

夫癰疽者。初發始微。多不爲急。此實奇患。惟宜速治之。急治不苦速。成病難救。以此致禍。能不痛哉。具述所懷。以悟後賢。謹按黃父癰疽論。所著緩急之處。生死之期。如有別癰之形色。難易之治。如左僧納私撰。是用非是先賢。恐後高雅。故記之名。字令惑之耳。

發皮穴淺。腫高之。赤卽消。不治亦愈。

發筋穴深。腫下之。堅。其色或青。或黃。白黑。或復微熱而赤。宜急治之。成消中半。發附骨者。或未覺肉突。肉

突已殞者。癰疽之甚也。肉突肉突似誤。按突卽肉字也。

凡發背外。皮薄爲癰。皮堅爲疽。如此者。多現先兆。宜急治之。皮堅甚大者。多致禍矣。

夫癰壞後。有惡穴當者。以豬蹄湯洗其穢。次傅食穴膏散。惡穴盡。乃傅生肌膏散。乃摩四邊。令善穴速生。當須絕房室。慎風冷。勿自勞動。須筋脈復常。乃可自勞耳。不爾。新穴易傷。則重發。便益潰爛。慎之慎之。

相癰疽。知是非可灸法。

癰疽之甚。未發之兆。肥渴爲始。始發之始。或發日疽鼻。似若小癰。或復大痛。皆是微候。宜善察之。欲知是

非重按其處。是便隱復按四邊。比方得失。審定之後。卽灸第一。便灸其上。二三百壯。又灸四邊。一二百炷。小者灸四邊。中者灸六處。大者灸八處。壯數處所。不患多也。亦應卽枯卽薄。令得所卽消。內服補暖湯散。不已。服冷藥。外卽冷薄。不用熱。枯之法。開其口泄熱氣。

相癰知有膿可以破未

癰大堅者未有膿。半堅薄。半有膿。當上薄者。都有膿。便可破之。所破之法。應在下逆上破之。令膿得易出。用排針。膿深難見。上突厚而生突。火針若外不別有膿。可當其上。數按之。內便隱痛者。突殊。堅者未有膿也。按更痛於前者。內膿已熟也。膿泄去熱氣。不爾長速。速卽不良。

治癰疽腫。松脂。枯方。

黃藥

芎藭

白芷

白斂

黃耆

黃芩

防風

芍藥

茵草

白蠟

當歸

大黃

各一兩

細辛

二分

廔脂

三兩

松脂

二斤

右十六味。切曝乾極燥。微火煎三上。下手不得離。布綿絞去滓。枯之。

治癰疽腫。松脂。枯方。

當歸

黃耆

黃連

芍藥

黃芩

大黃 臘蜜 芎藭 各一兩
 松脂 一斤
 腦脂 一各半

右十味。細切合煎。微火三上下。膏成。綿布絞去滓。向火塗紙上貼之。

治癰疽松脂貼腫方

松脂 一斤
 大黃 三分
 腦脂 一兩
 細辛 半分
 黃芩 一分

防風 半分
 白芷 白斂 芎藭 當歸

芍藥 茵草 黃連 白蠟 黃蘗 各一分

右一十五味。細切曝令極燥。先煎脂蠟。下松脂洋盡。內諸藥二上。下候色足。絞以綿布。水中以新竹片上火炙之。施紙上貼之。此藥大秘。實有奇效。不妄傳之。

治癰疽升麻薄極冷方

升麻 一兩
 大黃 一兩
 白斂 六分
 黃耆 一兩
 黃芩 六分

白及 一分
 牡蠣 二分
 龍骨 一兩
 甘草 二分
 芎藭 一兩

乾者

粉

兩

炙

兩

右十味。篩和。以豬膽調塗布。傅之。瘰上。燥。易之。

治癰白斂薄方

白斂

大黃

黃芩

各等分

右三味。搗篩。和雞子白。塗布上。薄攤上二。燥。輒易之。亦可治。又以三指撮。置三升水中。煮三沸。綿注汁。拭腫上。數十過。以寒水石沫。塗腫上。紙覆之。燥。復易。一易。輒以糞汁拭之。晝夜二十易之。治癰疽。始一二日。痛微。內薄。令消。豬膽薄方。

黃耆

龍骨

青木香

梔子人

羚羊角

乾地黄

升麻

白斂

大黃

黃蘗

黃芩

芎藭

赤小豆

麻黃

去節

黃連

犀角

一兩

右十六味。各等分。搗篩。以豬膽調。令如泥。以故布開口。如小豆大。以泄熱氣。治癰腫。熱盛。口燥。患渴。除熱。止渴。黃耆湯方。

黃耆

苦蕒

乾地黄

升麻

各二兩

麥門冬 三兩 去心 梔子 三十枚 芍藥 三兩 黃芩 一兩半

右八味以水一斗。煮取三升。分溫三服。

治客熱鬱積在內。或生癰。黃耆湯方

黃耆 二兩 人參 一兩 芎藭 當歸

遠志 去心 乾地黄 各二兩 大棗 二十枚 生薑 五兩

甘草 炙各一兩 麥門冬 去心五兩

右十味。切。以水一斗二升。煮取三升。分溫三服。

治瀼未潰。黃耆湯方

黃耆 四兩 甘草 二兩 桂心 三兩 芍藥

半夏 生薑 各八兩

右七味。以水七升。煮取三升。飴化。分三服。

飴 一斤

治瀼內補。竹葉黃耆湯方

竹葉 切一升 黃耆 四兩 甘草 二兩 芍藥 四兩

黃芩 一兩 人參 二兩

桂心 一兩 用半兩 大棗 十二枚 乾地黄 二兩 升麻 三兩

茯苓 生薑 各一兩

右十二味。以水二斗。煮竹葉。澄清。取九升。內諸藥。更煮取三升。分溫三服。
治補度冷下。赤石脂湯方

赤石脂 人參 甘草 乾薑 龍骨 附子
炙 各二兩 碎 大者一枚

右六味。切。以水八升。煮。取二升半。去滓。分溫三服。如人行十里。進一服。
治取冷過寒下。飢見出。溫中湯方

甘草 乾薑 附子 蜀椒
炙 六分 六分 炮。去皮。破六分。二百四十粒。去口者出汗

右四味。切。以水六升。煮。取二升。分溫三服。
治斷下補胃。附子湯方

附子 當歸 人參 黃連 甘草
炮 二分 各一兩

乾薑 桂心 芍藥 蜀椒
各二分 去汗且閉口半分

右九味。以水五升。煮。取一升五合。去滓。分溫二服。
治癰瘡及惡瘡。有惡穴。猪蹄湯洗方

猪蹄 一具治如食法 白斂 二兩 白芷 二兩 黃連 一兩 狼牙 二兩

芍藥 二兩 黃芩 獨活 大黃 各一兩

右九味以水三斗。煮猪蹄一斗五升。去蹄。內諸藥。又煮。取五升。洗瘡。日四次。甚良。
治癰疽腫壞多汁。猪蹄湯方

猪蹄 一具治如食法 芎藭 甘草 炙 大黃 黃芩 各二兩 芍藥 三兩 當歸 兩

右七味。先以水一斗五升。煮蹄。取八升。去蹄。內諸藥。更煮。取三升。更去滓。及溫。洗瘡。上日三。亦可以布內湯中。薄瘡腫上。燥復之。

治肘疽方

黃連 皂莢 各等分。炙去皮子

右二味。搗下。和以淳苦酒。調令如泥。塗滿肘。以綿厚薄之。日三易。良。
治癰疽最膿。增損散方

黃耆 五分。膿多倍之 小豆 一分。熱口乾倍之 芎藭 二分。肉未生倍之 白斂 三分。有膿。瘡不合倍之 苦蕒 三分。若小便利倍之

右六味。搗篩。令細。酒調。溫服。方寸匕。日三。

治癰消膿。木占斯散方

木占斯

桂心

人參

細辛

敗醬

乾薑

厚朴

甘草炙

防風

桔梗

已上各一兩

右十味。搗篩。酒服。方寸匕。入咽。覺流入瘡中。若癰及疽。亦之不能發。壞者可服之。瘡未壞。去敗醬。已發膿。內入敗醬。此藥時有化癰疽成水者。方正桂為異。故兩存焉。案正桂句似誤

治發背。及婦人發房。并腸癰。木占斯散方

木占斯

厚朴炙

甘草炙

細辛

苦蕒

防風

乾薑

人參

桔梗

敗醬

已上各一兩

右十味。搗篩。清酒服。方寸匕。日七夜四。以多為善。敗醬。草名也。病在上者當吐。在下者當下膿血。此謂腸癰之屬也。諸病在裏。惟服此藥。即覺有力。及癰疽。便即復痛。長服治諸瘡。及疽。痔瘡。已潰。便即早愈。凡俗流醫。不知用此藥發背。有不善而瀉。便勤服之。若藥力行。覺渴。心便消散。若雖服壞。終無苦。但晝夜服勿懈也。發此藥消散。不覺腫去時。即愈。或長服。即去敗醬。偏治婦人乳腫。諸產疵。速愈。良。又云。惟

服有異始覺背有不善之也。

治諸癰疽已潰未潰瘡中疼痛膿血不絕嬰麥散方

嬰麥 白芷 黃耆 當歸 細辛

芍藥 薏苡人 芎藭 赤小豆

末各一兩

右九味先以清酒小豆出於銅器中熬令乾復漬漬後復熬五過止然後治末合搗篩溫酒服方寸匕。晝夜各五三日後痛痒者肌肉也。又方用苦酒漬小豆多痛倍嬰麥瘡口未開倍白芷多膿倍黃耆。薏苡人芍藥等。

治癰食惡穴散方

藥蘆 一分 真珠 一分 石硫黃 雄黃 麝香 各三分

馬齒 礬石 熬 漆頭 蘆茹 各三分

右九味篩搗粉瘡上亦可為膏和傅瘡上。

治癰疽食惡穴散方

雄黃一兩 礬石一分 蘆茹一兩

右三味搗篩稍著之隨用多少不限一兩。

治癰疽兌膏方

當歸 芎藭 白芷 松脂各二兩 烏頭一兩 豬脂二升 巴豆十枚
心皮去

右七味咬咀內膏中微火合煎三沸已內松脂攪合相得以綿布絞之去滓以膏著綿絮兌頭丈作兌免之瘡雖深淺兌之膿就兌盡即善肉瘡淺者不足兌著瘡中日三惡肉盡則上。

治食突青龍膏方

白礬二兩 熟梅二升 大錢二十枚
煉末之 去核 鹽合

右四味於銅器中猛火投之糜滅成末乃和豬脂搗一千杵以塗瘡上甚痛勿怪此膏食惡突盡復著可傳蛇銜膏塗之令善突復生。

治癰疽金瘡生肉膏方

大黃 芍藥 黃耆 獨活 白芷

芎藭 各一兩
當歸 一兩
薤白 二兩
生地黃 三兩

右九味。咬咀。以盛煎猪膏三升。煎三上下。以綿布絞去滓。用兌摩。多少隨意常用之。

治丹癰疽始發。燉熱浸淫。長成搶湯方

升麻 各三兩
黃芩 各三兩
黃連 各二兩
大黃 各二兩
當歸 一兩

甘草 一兩
芎藭 二兩
芒消 三兩
羚羊角屑 各一兩

右九味。咬咀。以水一斗三升。煮取五升。絞去滓。鑊中內芒消。上火攪令成。漉盡。滓稍分。適冷熱。貼帛搿。腫上數過。其熱隨手消散。王練甘林所祕。不傳此方。

劉涓子鬼遺方卷第五

治癰疽敗壞。生地黄膏方

治癰疽瘡生肌。黃耆膏方

治發背乳急痛。丹參膏方

治癰疽腫痛堅強不消。黃芩膏方

治癰疽止痛。鷓鴣脂膏方

治癰疽金瘡。續斷膏方

治癰疽金瘡。止痛。甜竹葉膏方

治癰疽敗壞。生肉。茵草膏方

治癰疽敗壞膿爛。蛇銜膏方

治癰疽食肉膏方

治癰疽食肉。大黃膏方

治癰疽食惡肉。蘆茹膏方

鬼遺方 卷五

治癰疽始作便敗壞膏方

治久病疥癬膏方

治癰疽惡疥癬五黃膏方

治癰疥癬散熱水銀膏方

治面黥皤麝香膏方

治面瘡皤木蘭皮膏方

治瘡皤鷓鴣屎膏方

治髮頰生髮膏方

治婦人乳腫丹參膏方

治頭白頰經年五味子膏方

治疽漏癰疥惡瘡膏方

治久癰疽諸瘡野葛膏方

治丹砂膏三首

赤膏治百病方

治燥疽丹砂膏方

治燥疽麝香膏方

治釘腫芎藭膏方

治燥疽始發丹砂膏方

治風溫病疽諸惡瘡膏方

治癰疥諸惡瘡丹砂膏方

治小兒頭瘡紫草膏方

治小兒熱瘡水銀膏方

治火瘡相皮膏方

治燥疽浸淫廣大羊髓膏方

治熱毒瘡升麻膏方

治熱瘡生地黃膏方

治諸瘡爛雄黃膏方

治癰疥疽漏水銀膏方

鬼遺方 卷五

治疥癩癰瘡白芷膏方

治皮膚中熱疥癩白斂膏方

治熱瘡生地黃膏方

治溫熱諸瘡黃連膏方

治熱瘡蛇床子膏方

治熱瘡木蘭膏方

治熱瘡黃連膏方

治炙瘡甘草膏方

治諸癰破大去膿黃耆膏方

治癰疽已潰白芷摩膏方

治諸疽瘡膏方

治鼻中塞白芷膏方

治竹本所刺手脚羊屎膏方

治湯淚人肉爛壞朮膏方

治火燒爛壞栢皮膏方

治久病癩疽惡瘡蘆茹膏方

治婦人妬乳生瘡雄黃膏方

治惡瘡麝香膏方

治頭瘡骨疽牛屎薰方

治諸傷六物滅癩膏方

治癰疽敗壞生肉地黃膏方

生地黄一斤

辛夷

獨活

當歸

大黃

芎藭

黃耆

薤白

白芷

芍藥

黃芩

續斷

各二兩

右十二味切以臘月豬脂四升微火煎白芷色黃膏成絞去滓傅日四

治癰疽瘡生肉黃耆膏方

黃耆

細辛

生地黄

蜀椒

去目閉口汗

當歸

芎藭

薤白

白芷

丹參

甘草

炙

菴菴

獨活

黃芩

已上各一兩

臘月豬脂

一斤半

右十四味。細切。以苦酒一升二合。夏即漬一日。冬二夜。微火煎三上下。酒氣盡。成膏。傅之。極良。
治發背乳口已合皮止急痛生突膏方

丹參 防風 白芷 細辛 芎藭 黃芩 芍藥

甘草炙 黃耆 牛膝 槐子 獨活 當歸

右十三味。切。以臘月脂五升。微火煎三上下。白芷黃芩成病上摩。向火。日三四。

治癰腫堅強不消。不可用傅貼處。黃芩膏方

黃耆 黃芩 芎藭 白斂 防風 茵草

白芷 芍藥 大黃 細辛 當歸已上各一兩

右十一味。咬咀。以豬脂四升。微火上煎。一沸一下。白芷黃芩成膏。傅之。堅硬者。日可十易。

治癰疽止痛生肌鷓脂膏方

松脂七兩 芍藥 當歸 芎藭 黃芩各一兩 鷓脂七兩 白蠟五兩

右七味。咬咀。以臘月豬脂二升二合。微火煎一沸一下。三十過成。以摩於瘡上。

治癰疽金瘡續斷生突膏方

續斷

乾地黄

細辛

當歸

芎藭

黄耆

通草

芍藥

白芷

牛膝

附子炮製

人參

甘草

炙已上各兩

臘月猪脂四升

右十四味。咬咀。著銅器中。下膏。諸藥漬之半日。微火煎三上下。白芷候黄。膏成。傅之瘡上。日四五過。良。治癰疽敗壞。生肉。茵草膏方。

甜竹葉

五兩

生地黄

四兩

大戟

二兩

臘月脂

四升

當歸

續斷

白芷

茵草

芎藭

防風

各二兩

甘草

一兩半炙

芍藥

一兩半

蜀椒

半兩。去目汗閉口。

細辛

大黃

杜仲

各半兩

黄耆

半兩

右十七味。咬咀。以猪脂微火煎五上下。候白芷黄。膏成。傅瘡上。甚良。

治癰疽敗壞。生肉。茵草膏方

茵草

當歸

薤白

黄芩

甘草

炙各二兩

生地黄

五兩

白芷

三兩

大黃

四兩

續斷

一兩

鬼遺方

卷五

五七

右九味。咬咀。以猪脂三升。微火煎三沸。三上下。白芷黃。膏成。傅瘡。良。

治癰疽膿爛。并小兒頭瘡。牛領馬鞍革。及腸中諸惡。耳聾痛風。腫腳疼。金木水火毒螫所中。衆瘡百疹。無所不治。蛇銜膏方

蛇銜

大戟

大黃

芍藥

附子炮

當歸

獨活

茵草

黃芩

細辛

芎藭

蜀椒

薤白

已上各一兩

右十三味。咬咀。以苦酒漬之。淹一夜。以猪脂二升半。微火煎三上下。膏成。綿布絞去滓。病在內。酒下彈元大。

治癰疽食突膏方

松脂五兩

雄黃別研

雌黃

野葛皮

猪脂各二斤

漆頭蘆茹

巴豆

一百枚。去皮膜心。

右七味。先煎松脂。水氣盡。下諸藥。微火煎三上下。膏成。絞去滓。內雄雌二黃。攪調。以膏著兌頭內。瘡內

口。方六七勿字。兼新故。初用病更腫赤。但用如節度。惡突盡止。勿使過也。

治癰疽大黃食突膏方

大黃

附子

茵草

芎藭

雄黃

真珠末

各一兩

白斂

礬石

黃芩

漆頭蘆茹

各二兩 雌黃一兩

右十一味。咬咀。六物。以豬脂一升四合。微火煎三上下。末蘆茹。下煎成膏。中以塗兌頭。傳瘡中。須惡肉盡。勿使過也。

治癰疽食惡肉蘆茹散方

漆頭蘆茹

礬石

硫黃

雄黃

已上各二分

右四味。搗篩。攪令著兌頭內瘡口中。惡肉盡止。勿使過也。

治癰疽始作便敗壞發瘡膏方

羊髓 一兩

甘草 二兩

胡粉 五分

大黃 一兩

豬脂 二兩

右五味。切。合脂髓。煎。二物令洋。內甘草大黃三上下。去滓。內胡粉。攪令極調。傅瘡上。日四五。

治久病疥癬惡瘡膏方

丹砂

雄黃

雌黃

亂髮洗

松脂

白蜜

已上各一兩

蘆茹

漆頭者三兩

巴豆

十四個 去皮心

臘月豬脂

三升

右九味先煎亂髮消盡內松脂煎三上下成膏絞去滓末茹內膏中煎攪極調傳瘡上日三易之
治久病疥癬諸惡瘡毒五黃膏方

雌黃 雄黃 黃連 黃蘗 黃芩

青木香 白芷 各二兩 亂髮 一團雞子大 雞舌香 一兩 狼跋子 四十枚

右十味咬咀以苦酒半升漬諸藥一夜以臘月脂三升先煎髮一沸內諸藥三五沸止絞去滓成膏傳瘡上日五易之

治病疥癬惡瘡散熱水銀膏方

水銀 礬石 蛇床子 黃連 已上各一兩

右四物兩度篩以臘月猪脂七合和并水銀攪令調打數萬過不見銀膏成傳瘡若膏少益取并小兒瘡良 蟹慶宣加 蘆茹一兩

治面黧皤麝香膏方

麝香 二兩 當歸 附子 芎藭

白芷 芍藥 已上各一兩 細辛 二合 杜衡 二分

右八味。咬咀。以臘月豬脂一升二合煎。諸藥三上下。絞去滓。別末。研麝香。安膏中。攪令調。傅炮上。日三易之。

治面查炮木蘭膏方

木蘭 防風 白芷 青木香 牛膝
獨活 藜本 當歸 芍藥 杜衡

辛夷 芎藭 細辛 各一兩 麝香 一分 附子 二分

右十五味。咬咀。諸藥以臘月豬脂一升。微火煎三沸。三上下。去滓。末下。攪令調。膏成。傅炮上。日三。

治查炮鷓鴣屎膏方

右取鷓鴣屎一升。搗篩。臘月豬脂調和。傅之。

治頭額生髮白芷膏方

白芷 蔓荊子 附子 防風 芎藭 茵草
細辛 黃芩 當歸 蜀椒 各一兩。去汗開口。 大黃 一兩半。 馬鬚膏 五合。此所用多無。

右十二味。切以臘月猪脂三升。合諸藥。微火煎三上下。白芷色黃。膏成。洗頭澤髮。勿近面。治婦人乳腫痛。丹參膏方。

丹參 芍藥 各二兩。白芷 一兩。

右三味。以苦酒漬一夜。猪脂六合。微火煎三上下。膏成。傳之。

治頭白頽瘡髮落。生白痢。經年不差。五味子膏方。

五味子 二分。兔絲子 五分。菴蓉 二分。雄黃 一分。松脂 二分。

蛇床子 遠志 去心各三分。雌黃 白蜜 各一分。雞屎 半分。

右十味。以猪膏一升二合煎。先內雌黃。次內雞屎。次內蜜。次內松脂。次內諸藥。並先各自末之。膏成。先以桑灰洗頭後。傳之。

治疽瘦癩疥諸惡瘡。連年不差。并小兒頭瘡。悉治之。膏方。

黎蘆 附子 蘆茹 桂心 天雄 蛇床子 野葛皮
雄黃 亂髮 洗。白芷 半夏 洗。揚。礬石 細辛 杏仁

芎藭

芍藥

白朮

烏頭各二兩

黃連

當歸

藜蘆已上各二兩

斑貓

茵草

巴豆去皮心

黃蘗

吳茱萸

蜀椒各一兩去目閉口汗

右二十七味。咬咀。以苦酒漬一夜。以臘月豬脂四斤。微火煎。令酒氣盡。膏成。日四五傳。用多妙。

治久癘疽諸瘡。治葛膏方

治葛皮

黃連

細辛

杏人

茵草

芍藥

藜蘆

附子

亂髮

蘆茹

芎藭

白芷

蛇床子

桂心

藜蘆

烏頭

白朮

吳茱萸

雌黃

礬石

天雄

當歸已上各二兩

斑貓

巴豆去皮心

蜀椒去目汗閉口

黃蘗各一兩

右二十六味。咬咀。各搗篩。以豬脂五升。於銅器內。微火煎。諸藥七沸。上下。絞去滓。更煎。攪勻。成膏。以傅瘡上。日四五。

丹砂膏方三首

丹砂五兩

芎藭三兩

大黃二兩

蜀椒二兩去目出汗

白芷二兩

麝香三兩

升麻二兩

治葛皮二兩 麻黃五兩 丹參五兩 巴豆二升去皮心 桂心二兩 附子十二枚 皂莢二兩去皮子

右十四味以豬脂六升春夏共用調合在後方消停。

又方

丹砂三兩 芎藭三兩 大黃二兩 蜀椒二兩去目汗 白芷二兩 麝香六兩 朮二兩

附子十二枚 乾薑五分 治葛二兩 丹參六兩 細辛二兩 巴豆三升去皮心

右十三味秋冬共用亦在年中有所宜以意消息藥各搗羅之巴豆細切以苦酒漬一夜量足不須覆之明旦以豬脂成六升鑊中微火煎三上下膏成勿使傍人及雞犬貓見其膏同治其皴此方須是細意事持。

又方

丹砂二兩末 蜀椒去目閉口汗 大黃 白芷 甘草炙已上各二兩

巴豆三升去皮心 麝香 芎藭各二兩 附子二枚 升麻二兩

治葛皮 犀角 當歸 烏頭各二兩 丹參一斤

右十五味。切以苦酒漬之。一夜以猪脂六升。微火煎三上下。膏成。絞去滓。用之。此膏是四時常用。日三。此方無比。

丹砂膏。絞治百病。傷寒溫毒熱疾。服如棗核大一枚。鼻塞。取半核大。內鼻中。縮氣。令人聰裏。若耳聾。取如兩棗核大洋之。如水。內其耳中。三五年聾可差。或寒癰。腹滿。墜脹。及飛尸惡毒。楚痛。溫酒服。霍亂當成未成。已吐未痢。白湯服棗核大。若已痢。一兩行。而腹煩痛。更服之。眼中風膜。膜或痛。常下泪。取如粟大。注眼中。自當下。止。或半日痛。便愈。

又胸背喉頸痛。摩足。口中亦稍稍令常聞有膏氣。人體自有不同者。易爲藥。當服取利爲度。老小增減。服膏之法。得利若不利。如人行十五里。可與熱飲發。當預作白薄粥令冷。若過利要止者。多進冷粥。便住。若能忍待藥勢盡。自止更佳。

赤膏。治百病方。

治病同丹。砂膏用之。

治葛皮一兩

白芷一兩

蜀椒二升。去目。閉口汗。

大黃

芎藭各二兩

巴豆三升。去皮心。

附子十二枚。

丹參一斤。

猪脂六升。

右九味。咬咀。以苦酒漬一宿。合微火煎三上下。白芷黃。卽膏成。絞去滓。用傷寒。鼻溫酒服。如棗核大。

一枚。

賊風癰疽腫。身體惡氣久溫痺。骨節疼痛。向火摩之。癢疥諸惡瘡。以帛薄之。鼠瘻疽痔下血。身體隱軫。痒搔成瘡。汁出。馬鞍牛領。以藥傅之即愈。腰背手足流腫。拘急。屈伸不快。以膏傅之。日三。婦人產乳中風。及難產。服如棗核大。并以膏摩腹立生。如食魚哽。日五服愈。如耳聾。以膏如小豆大。著耳中。患息肉。以膏內鼻中愈。眼齒痛。以膏如棗注背脊中。白蘆醫當童子視。以膏如粟注背脊愈。

治標疽丹砂膏方

丹砂末

犀角

夜干

大黃

芎藭

麝香末

黃芩各二兩

生地黃十兩切

升麻

前胡

沈香各三兩

青木香一兩

右十二味。咬咀。以苦酒漬淹一宿。以豬脂五升。微火煎三上下。絞去滓。內丹參麝香末。攪調。稍稍服之。治標疽。麝香膏方

麝香末

凝水石

黃芩

丹砂末

芎藭

雞舌香

青木香各二兩

茵草三兩

升麻三兩

羚羊角

夜干

大黃

羊脂各三兩

地黃汁一升

右十四味。切。以苦酒漬一夜。用豬脂六升。微火上煎。三上下。絞去滓。內麝香丹砂末。攪令調膏成。以摩

病上甚良。

治丁腫生芎藭膏方

生芎藭汁一升 丹砂二兩 生地黃二斤 白芷三兩 大黃三兩

麝香末三兩 甘草三兩 當歸二兩 升麻二兩 薤白八兩

右十味咬咀以苦酒漬一夜猪脂五升微火煎三上下膏成摩於腫上。

治標疽始發未曾治宜速服丹砂膏方

丹砂末 犀角二兩 夜干三兩 生地黃十兩 大黃三兩 升麻三兩

芎藭三兩 麝香二兩 前胡三兩 沈香二兩 黃芩三兩 青木香一兩

右十二味咬咀以猪脂五升微火煎三上下止絞去滓入麝香丹砂末攪令調溫酒下如棗核大日三服。

治風溫癘疽諸惡瘡經年不差其著胸臆背日大不可視之恐見肺肺髓者皆主之傳當火須以意用之。

丹砂膏方

丹砂末 雄黃末 附子 天雄 乾地黃 大黃

當歸 秦膠各二兩 烏頭 桂心 黃連 松脂

茴辛各四兩 蜀椒一升去目汗 乾薑二兩 巴豆一百枚去皮心 蜈蚣四枚去頭足赤者 石南草二兩

右十八味。咬咀。十六味。以苦酒一斗。漬一夜。以豬脂六升。微火煎三上下。藥色膏成。絞去滓。內二石末。攪令調。傅瘡有口。亦可免瘡口。此脂多治合。即隨多少。苦酒不必盡一斗。以意量用之。

治癰疥癬諸惡瘡。丹砂膏方

蜀椒三升去目汗 丹砂 細辛 桂心各二兩 附子三十枚 前胡

白芷各切一升 芎藭切 白朮 吳茱萸各一升 當歸一兩

右十一味。咬咀。諸藥唯椒茱萸不搗。以苦酒漬一夜。令淹。以豬脂不中水者。十斤。細切。合諸藥於銅器內。煎三上下。白芷黃。成膏。以綿布絞去滓。如患風溫腫不消。服如彈元大一枚。

若鼻塞不通。以膏著鼻中。若青盲風目爛。皆痒痛。茫茫不見細物。以綿絮裹筋頭。注膏中。以傅兩皆。至臥時再傅之。齒痛亦如耳聾。亦准之。諸惡痛皆治之。金瘡牛領馬鞍瘡。亦可傅之。治下赤腹中有癰。

并瘰疾在外。即摩之。在內即服之。如彈元大一枚。日三服。此膏無所不治。
治小兒頭瘡并惡紫草膏方

紫草^{三兩} 黃連 女青 白芷^{各一兩} 礬石^{三兩。燒令汗出。} 苦酒^{五合} 生地榆根^{一兩}

右七味。內三味。礬石紫草黃連爲末。入諸藥煎。白芷黃膏成。傅瘡上。

治小兒熱瘡水銀膏方

水銀^{二兩} 胡粉^{二兩} 松脂^{二兩} 豬脂^{四升}

右四味。煎松脂水銀氣出。下三物。攪令不見銀。放冷。以傅瘡上。

治火瘡相皮膏方

右皮去黑皮。用白肉。以豬脂少多煎。去滓。候凝。隨意使之。

治標疽。浸淫廣大。赤黑爛壞成瘡。羊髓膏方

羊髓^{二兩} 大黃^{二兩} 甘草^{一分} 胡粉^{二分}

右四味。咬咀。以豬脂二升半。并胡粉。微火煎三上下。絞去滓。候冷。傅瘡上。日四五。治熱毒。并結及腫成瘡。升麻膏方。

升麻 兩三 白朮 兩一 牡蠣 分三 白芨 兩二 白蘂 兩二

茵草 分二 夜干 兩二 大黃 兩二 黃連 兩二

右九味。咬咀。以豬脂三升。微火煎。膏成。絞去滓。以傅瘡上。日四五。治熱瘡。生地黄膏方

生地黄 白斂 白芷 黃連 升麻 黃芩 大黃 已上各十兩

右七味。咬咀。以豬脂一升半。微火煎。成膏。絞去滓。傅瘡。日四五。治惡瘡皆爛。雄黃膏方

雄黃 礬石末 黎蘆 當歸 黃連

附子 各二兩 茵草 芎藭 白芨 各一兩 巴豆 六十枚。去皮心

右十味。咬咀。以豬脂二升。微火煎。膏成。絞去滓。內石末。攪調。傅瘡。日四五。治癰疽瘻。水銀膏方

水銀 二兩半 胡粉 兩二 松脂 兩二 豬脂 升四

右四味。先煎松脂。水氣盡。下胡粉。攪令水銀盡不見。可傅瘡。日三。亦治小兒疳熱瘡。頭瘡。治疥癩癰瘡。白斂膏方

白斂 三兩 白芷 三兩 芎藭 大黃 黃連 各二兩

當歸 三兩 黃蘗 二兩 鼓炒 八合 羊脂 三兩 豬脂 二升

右十味。咬咀。以二脂合煎。內諸藥。微火煎。膏成。去滓。候凝。傅之。治皮膚中熱疥癩癰。白斂膏方

白斂 黃連 各二兩 生胡粉 一兩

右三味。搗篩。溶脂。調和。傅之。

治熱瘡。生地黃膏方

生地黃 四兩 黃連 四兩 大黃 三兩 黃蘗 甘草 炙 白斂 升麻 各二兩

右七味。咬咀。以豬脂二升半。微火合煎。膏成。絞去滓。候凝。可傅之。治熱瘡。生地黃膏方

生地黃兩，四 黃連兩，五 白斂 芍藥 白芨兩，各二 苦參 升麻兩，各三

右七味，咬咀，以豬脂二升半，內諸藥，同熬，膏成，去滓，候凝，傅之。

治溫熱諸瘡黃連膏方。

黃連 白芨兩，各二 生胡粉兩，一

右四味，細篩，用豬脂調塗之。

治熱瘡，蛇床子膏方。

蛇床子兩，二 乾地黃兩，二 苦參兩，一 大黃兩，二

通草分，二 白芷 黃連兩，各一 狼牙分，二

右八味，搗篩為細末，用豬脂，以意調和塗之。

治熱瘡，木蘭膏方。

木蘭兩，一 白芷 黃連兩，各三 黃蘗兩，二 芍藥兩，一

梔子二十
一枚，二十 黃芩兩，二 狼牙兩，二 夜干兩，一 蛇床子兩，一

治熱瘡黃連膏方
右十味。咬咀。以豬脂二升。合諸藥。微火煎。膏成。去滓。塗傳之。

- 黃連
- 生胡粉 各三兩
- 白斂 二兩
- 大黃 二兩
- 黃蘗 二兩

治灸瘡甘草膏方
右五味為末。用豬脂。以意調和塗之。

- 甘草 一兩
- 當歸 一兩
- 胡粉 半兩
- 羊脂 一兩
- 豬脂 三兩

治諸癰破後大膿血極虛黃耆膏方
右五味。咬咀。以豬羊脂。并諸藥。微火煎成膏。絞去滓。候凝。傅之。

- 黃耆
- 附子
- 白芷
- 甘草
- 防風
- 大黃
- 當歸
- 續斷
- 芍藥 各一分
- 菴蓉 一分
- 生地黃 五分
- 細辛 三分

治癰疽已潰白芷摩膏方
右十二味。切。以豬脂三升。內諸藥。微火慢煎。候白芷黃色。膏成。絞去滓。候凝。塗瘡。摩四邊。口中。日四過。

白芷 三分 甘草 三分 烏頭 三分 薤白 十五枚 青竹皮 如雞子大一塊

右五味以豬脂一升合煎候白芷黃膏成絞去滓塗四邊。

治諸疽瘡膏方

蠟 一兩 亂髮 礬石 熬各一兩 松脂 一兩 豬脂 四兩

右五味先下脂煎令消下髮髮消下礬石礬石消下松脂松脂消下蠟蠟消膏成澹過候凝塗傅之。
治鼻中塞利鼻白芷膏方

白芷 通草 蕤核 各一分 薰草 二銖 羊髓 八銖 當歸 一分

右六味以清酒煉羊髓二過咬咀諸藥煎膏成絞去滓用小豆大內鼻中日三。

治竹木所刺入手足壯不出膿疼痛羊屎膏方

右取乾羊屎搗篩用豬脂和以塗之瘡口立出。

治湯淚人突爛壞尤膏方
尤 二兩 附子 二枚大者炮 甘草 二兩 羊脂 五兩 松脂 雞子大一塊 豬脂 五兩 不入水者

右六味微火上煎猪脂後內羊脂并諸藥又煎膏成絞去滓候凝塗瘡上日三
又方

栢樹皮 四兩去黑處 甘草 三兩細切 淡竹葉 二兩切

右三味以不中水猪脂一升二合入藥煎膏成絞去滓塗瘡上日三
又方

麻子一合 取人 栢皮一兩 取白 白芷 一兩 生柳皮一兩 去白

右四味咬咀以脂一升同藥煎膏成濾去滓候凝傅瘡日三
治癰疽疥癬及惡瘡蘆茹膏方

蘆茹 三兩漆頭者 雄黃 雌黃 末各一兩 丹砂 一兩研 亂髮 半兩洗

右五味搗篩令調煎以先用猪脂二升半煎髮取盡內諸藥微火更煎候膏成不令他人雞猫犬見傅瘡上日三

治婦人妬乳生瘡雌黃膏方

雌黃 白斂 雄黃 漆頭蘆茹各一團如雞子大

右五味各研搗篩以不中水豬脂二升先煎亂髮令盡下諸藥再微火煎候膏成放凝塗瘡上日三四治諸惡瘡麝香膏方

麝香 冷石 雄黃 丹砂各五分

右四味各細研如粉以臘月豬脂量其多少調和如塗傅瘡時先用大黃湯放溫洗了淹乾然後塗膏治頭瘡惡瘡骨疽等牛屎薰方

取苦瓠截除底斷其鼻取牛屎著地上燒以無底瓠籠屎上引煙從瓠空中出以瘡著煙上薰之自然止過三度即除

六物滅癩膏方

衣中白魚 雞屎白 鷹糞白 芍藥 白斂 白蜂等

右藥研如粉以乳汁和塗癩上日三良


小品滅癩方

雞矢白兩一分 辛夷人分四分 白附子分二分 細辛分二分

又方

右四味。酒浸一宿。以羊脂六合。限火煎三上三下。去滓。傷癥。以甘草湯洗訖。塗之。一方有桂心二分。

鷹屎白一兩。研。白蜜和塗癥上。日三。



秘製大黃清寧丸方

孫思邈撰

秘製大黃清寧丸方

本館據平津館叢
書本排印初編各
叢書僅有此本

製大黃丸方序

內府傳有十五製大黃丸方。家大人每歲如法製成。以施病者。不論何疾。一服輒愈。適刊素女方。因附于後。以廣其傳。昔家真人思邈少嬰羸疾。博究醫術。撰千金方。千金翼方。集醫學之大成。星衍亦病俗醫不學。喜搜羅醫方古書。訂證神農本經三百六十種。刊宋本華氏中藏經。然試之治疾。惟製大黃最神効。大黃于本草爲下品。而無毒無所畏。本經稱其主下瘀血。血閉寒熱。破癥瘕積聚。留飲宿食。蕩滌腸胃。推陳致新。通利水穀。調中化食。安和五藏云云。張仲景治傷寒多用之。宋人法帖載唐張旭草書云。忽肚痛不可堪。不知是冷熱所致。永一作服大黃湯。冷熱皆有益。據此則知大黃不獨治熱病。今俗以寒疾不宜服。

大黃者非也。古人以單方治疾。或以數十種藥合作丸散。兼治各種疾。如華陀書所載萬應圓。或用湯液。則出於伊尹。及張仲景。必有一藥爲之君。配以臣佐。及使分量。按五行之數。俾行五藏。今人旣不解診脈。不知疾在何所。因試之以藥十餘種。輕重任意。不得主宰。不按古方。疾旣委頓。乃復以藥治藥。故漢人有不服藥爲中醫之論。豈不然乎。病有汗吐下三法。而汗吐輒耗元氣。致損食啖。惟下之速愈。而大黃奏効尤神。陶隱居謂其有將軍之號。且經十五製。其性已化。多從小便下達。不致瀉利。是以塞外求大黃。比于中原之求人蓬。而此製大黃方。亦自都下通行海內。但俗醫惡其速効。遏抑之。率稱不可服。因爲考古。敍

大黃丸方序

其證驗云。五松居士書。時辛未歲二月九日。

祕製大黃清寧丸方

係內府所傳，遇諸般病症，每用不過三錢，神效無比，但藥材要好，炮製須照原方，各隨症加引方見奇功。仁人君子能修合廣施，實陰德之一助。

錦文大黃數十斤，或十斤，用布拭去毛，以米泔水侵半日，切片曬乾，每斤入無灰好黃酒半斤，浸三日，取出，晒大半乾。用好陳酒，透更佳。

第一次用側栢葉鋪墊甌底，並蓋藥上，將大黃蒸至一炷香久，取出，晒乾。每次蒸俱另用側栢葉蓋墊，蒸過不用。

第二次用葶苈熬濃汁，將大黃拌透，蒸一炷香久，取出，晒乾。自後每次拌汁，蒸晒俱照前法。

第三次用大麥熬濃汁。凡葶苈、大麥、黑等葶，每大黃一斤約用二三合熬汁拌透蒸晒。

第四次用馬料荳熬濃汁。

第五次用槐葉熬濃汁。

第六次用桑葉熬濃汁。

第七次用桃葉熬濃汁。

第八次用鮮車前葉熬濃汁。

以上四葉大黃一斤，每重約用二三兩熬汁拌透蒸晒。

清寧丸方

第九次用厚朴熬濃汁。

第十次用陳皮熬濃汁。

第十一次用半夏煎汁。

第十二次用白朮煎汁。

第十三次用香附煎汁。

第十四次用黃芩煎汁。

以上諸藥每大黃一斤各用

一兩煎汁拌透如前蒸晒

第十五次每大黃一斤用無灰好陳酒一斤拌透晒乾再蒸三炷香時取出晒乾磨爲細末每藥末一斤用黃牛乳如無以練過熱蜜二兩代之真童便姜汁各二兩拌勻用木杵搗千餘下如天時乾燥須將煉過好白蜜漸加漸搗使乾濕得所爲佳丸如桐子

大晒乾盛貯磁器中蓋好勿使泄氣每服大人三錢小兒一錢俱照後症用引煎湯送下累試累効至神至奇。

清寧丸治諸症湯引

一 頭痛牽連兩眉稜骨者。係痰火。姜皮燈心湯下。左邊痛者。柴胡湯下。右邊痛者。桑白皮湯下。兩太陽痛者。

白芷石膏藥本各三錢煎湯下。頭頂作痛者。藥本三錢升麻一錢煎湯下。

一 頭腦雖痛。身不發熱。口中發渴。亦係痰火。用薄荷湯下。

一 時時頭暈。亦係痰火。燈心湯下。

一 眼痛初起。疼腫異常。先用羌活白芷甘菊花各一錢二分。川芎大黃各一錢。紅花三錢。枳殼陳皮各八分。甘草赤芍

各四分。葱頭三個。水二碗。煎熱服。次日方服此丸。用菊花煎湯下。無不効。

一 眼害久不愈。歸身一錢。菊花二錢。煎湯下。

一 遇勞碌。兩眼即痛。內見黑花。龍眼肉七枚。煎湯下。

一 鼻上生紅瘡紅點。心火上炎。熏灼肺經所致。用桑白皮燈心煎湯下。非服二三十次。不能奏效。

一 鼻孔生瘡。枇杷葉三錢。煎湯下。

一 耳暴聾。燈心湯下。

一 耳內作癢。燈心湯下。

清寧丸方

一耳鳴。心腎不足。痰火生之故。淡鹽湯下。

一口舌生瘡。是胃火上升。竹葉燈心湯下。冬月用竹葉。

一口唇腫脹。茯苓燈心湯下。

一口唇腫硬生瘡。生甘草三錢煎湯下。

一咽喉腫痛。津液難嚥。桔梗甘草湯下。

一牙齒痛。石膏升麻各三錢煎湯下。

一老年人牙齒常疼。虛火。燈心湯下。

一單雙乳鴛。牛膝煎湯下。

一嗽血。麥冬湯下。

一吐血。紅花一錢煎湯。入童便半杯下。

一吐紫血成塊。名爲蓄血。用紅花歸尾甘草稍各三錢

同煎。入童便半杯。無灰好陳酒半杯服。

一鼻血不止。燈心湯下。

一、左癱右瘓。秦艽三錢。生姜一片。煎湯下。

一、從高墜下。跌傷身體。蓄血在內。不思飲食。蘇木五錢。煎湯。入童便。好陳酒。各半杯。每服五錢。

一、溺血。管中疼痛者。麥冬湯下。

一、溺血。或身體壯實。平日喜食熏炙者。燈心湯下。

一、溺血。或年老體弱者。膀胱蓄熱。腎水不行之故。宜早服六味丸。晚服此丸。淡鹽湯下。

一、溺血于盆中。少頃如魚如蝦。如絮如石。因自奉不謹。心腎不足所致。牛膝一兩。水二碗。煎至一碗。服此丸三錢。

一、大便糞前下血者。歸身二錢。生地。白芍。川芎各一錢。煎湯下。

一、大便糞後下血者。槐花。地榆各一錢。煎湯下。

一、大便或純血帶紫色者。紅花湯下。

一、大便純鮮血者。當歸湯下。

一、遺精者。淡鹽湯下。

一、白濁。燈心湯下。

一、淋症。燈心湯下。

一淋症兼痛者。海金沙_{三錢}煎湯濾清下。

一胸膈有痰火。燈心湯同姜汁下。

一胸中時痛時止。口吐酸水。橘餅半個煎湯下。

一胸膈飽脹。及作酸。姜湯下。

一胃脘作痛。飲食減少。姜湯下。

一傷寒發熱。解散出汗後。尚有餘熱未盡。_{白滾湯下。}

一傷寒後。胸膈不寬。百藥無效者。用多年陳香櫞一個。錘碎。取長流水二碗。煎至一碗。去渣。露一宿服。

一嘔吐。煨姜煎湯下。

一吐痰涎。姜汁沖湯下。

一乾嘔。姜湯下。

一傷風久嗽者。姜湯下。

一久嗽無痰。乾咳者。麥冬湯下。

一傷風咳嗽。發汗後餘熱已退。仍咳嗽不止者。姜湯下。

一咳嗽吐黃痰者。姜湯下。

- 一 咳嗽吐白痰者。紫蘇湯下。
- 一 久嗽有痰。諸藥不效者。陳酒或姜皮一錢三五分酌用。姜湯下。
- 一 久嗽聲啞者。柯子麥冬湯下。
- 一 發熱久不退。柴胡湯下。
- 一 煩渴思飲不休。燈心湯下。
- 一 痢疾初起。或純白者。姜湯下。
- 一 痢疾初起。或純紅者。檳榔紅花湯下。
- 一 紅白相間者。姜皮燈心湯下。
- 一 久痢不止者。炙甘草湯下。
- 一 噤口痢不止。飲食不進。陳米湯下。
- 一 胸中作酸。姜湯下。
- 一 胸中作嘈。姜皮湯下。
- 一 濕痰流注初起者。姜湯下。孕婦忌服。
- 一 五臟停痰。姜汁沖湯下。

一胸膈飽滿。姜汁沖湯下。

一背心常作痛。又作冷。雖伏天亦怕冷者。此乃五臟各處多有停痰。煨姜煎湯下。

一肥人素善飲無病。忽然昏沉。如醉如癡。或蹲地不起。眼生黑花者。痰也。姜湯下。

一傷酒。甘菊花煎湯下。

一眼眶下忽如煤色者。痰也。姜汁沖湯下。

一水腫。麥冬赤芍煎湯下。久病發腫者不宜。

一噎膈。姜湯下。若有至五十日不治者。此丸能救之。用四物湯服。川芎。白芍。生地。當歸。

一中暑者。姜皮燈心湯下。

一中熱者。香薷湯下。

一暑瀉。香薷湯下。

一寒伏暑霍亂者。姜湯下。

一暑伏寒霍亂者。姜皮湯下。

一陰陽不和霍亂者。姜湯下。

一哮喘大腹皮湯沖服。

一肥人多痰姜汁下。

一盜汗浮小麥煎湯下。

一自汗浮小麥湯下久用圓眼湯。

一驚悸怔忡症石菖蒲汁沖湯下。

一夜不能寐炒酸棗仁煎湯下。

一大便秘燥當歸湯下。

一小便不通燈心湯下。

一癩狂病燈心湯下。

一老年痰火夜不能寐氣血不和真廣皮三錢煎湯磨木香五分沖服。

一身體時時作癢壘塊如紅雲風熱也久則成癩風菊花湯下。

一眼目歪邪出言無緒罵詈不堪頃刻又好心胸經絡有痰遇火熏蒸痰入心竅故昏惑狂言少頃心火下降仍復清明用茯苓三錢湯下非數服不能愈。

一咳嗽吐痰。醒臭如濃血。胸中作痛者。肺癰也。苡仁一錢煎湯下。

一大腸癰。肛門墜痛。或登廁。並無糞出。但有紅白水。如痢疾者。槐米湯下。

一小腸癰。腹中疼痛。臍內出膿水。小便短少者。燈心湯下。

一四肢無力。遍身筋骨疼痛異常。反側艱難者。木通一兩水二碗。煎至一碗。下四錢。三服立愈。

一年老。大便結燥。當歸四錢煎湯下。

一黃疸。皮膚兩眼如黃金色者。茵陳三錢煎湯下。

一蠱脹。大腹皮湯下。

一跌打損傷。蓄血不行。不思飲食。蘇木湯。加重便服。

女科諸症

一骨蒸發熱。地骨皮湯下。

一朝熱盜汗。浮小麥湯下。

一胸有痰涎。姜湯下。

一胸膈不寬。香附三錢煎湯下。

一胃脘時時作痛。良姜湯下。

一常常噯氣。不思飲食。悶悶不樂。有憂鬱之疾。香附五錢。姜三片。同煎下。餘蘞與男子同。

行經

一經水不調。用四物湯。川芎當歸白芍生地各一錢。煎服。

一凡行經時。血氣紫。腹中作痛。蘇木三錢。同煎。入姜汁三匙下。

一行經時身痛。益母草湯下。

胎前

一孕婦小便不通。燈心湯下。

一孕婦遍身發腫。大腹皮湯下。

產後

一產後惡露不盡。腹中作痛。益母草五錢。煎湯。入童便半杯服。或加蘇木三錢。與益母草同煎亦可。

一產後小便不利。木通湯下。

一產後頭暈目暗。四物湯下。川芎。當歸。白芍。生地。

積寧丸方

清寧丸方

一產後大便不通。肛門壅腫。歸身三錢。紅花一錢。同煎服。

一產後發熱。四物湯加益母草。三錢。同煎服。

一產後嘔吐不止。藿香湯下。

一乳汁不通。王不留行煎湯下。

小兒諸症

一小兒初生啼聲未出。急將口中汚血拭淨。用甘草五錢。煎湯。研丸爲末。七錢。調稠灌下。能去一切胎毒。

一小兒吐乳。姜湯下。

一小兒夏日中暑。藿香湯下。

一胎黃。茵陳湯下。

一小便不通。燈心湯下。

一大便秘燥。蜜三匙。沖湯下。

一暑瀉。燈心湯下。寒瀉忌服。

一慢驚風。人參三分。勾藤一分。煎湯下。

一急驚風。勾藤薄荷各一錢。煎湯下。

- 一 天吼薄荷勾藤湯下。
 - 一 喘症痢症燈心湯下。
 - 一 黃疸燈心湯下。
 - 一 重舌燈心湯下。
 - 一 霍亂藿香湯下。
 - 一 瘧疾檳榔蘇葉煎湯下。
 - 一 嘔吐姜湯下。
 - 一 鼻血不止白茅根槌爛絞汁沖湯下。
 - 一 傷風熱退夜嘔薄荷湯下。
 - 一 痧後咳嗽不止枇杷葉湯下。
 - 一 痧後發熱不退用銀柴胡_{三錢}煎湯下。
 - 一 中風腫痛蒼朮_{三錢}煎湯下。
- 服。 一 小兒幼時不知人事久雨乍晴蹲在地上頑耍致濕氣浸入睡臥不安夢中啼哭勾藤薄荷各_{三錢}煎湯

清寧丸方

一四

一 小兒身上如紅雲。外以朴硝大黃等分研末。雞蛋白調敷。再用燈心服此丸。

一 小兒肝疳。面青體瘦。目黃性急。發熱不止。小便黃赤。喜食酸物。銀柴胡湯下。

一 脾弱。面黃體瘦。大便泄瀉。唇口生瘡。喜食甜物。多食無厭。或好吃泥土喜睡。炙甘草一錢。元棗一錢煎湯下。

一 腎疳。面黑體瘦。頭髮直豎。小便多熱。不食。喜食鹹物。桑白皮湯下。

一 肺疳。面白體瘦。小便如米湯色。鼻流清涕。周身毫毛直豎。馬料豆煎湯下。

一 心疳。面紅舌赤。發熱體瘦。小便短少。喜喫辛物。茯苓一錢。燈心五錢煎湯下。

一 小兒痢疾諸症。俱照大人所用引服。月內小兒。每服分作三次服。

王雲五主編

叢書集成初編

劉涓子遺方及其他一種

中華民國二十六年六月初版

發行人

王雲五
上海河南路

印刷所

商務印書館
上海河南路

發行所

商務印書館
上海及各埠

(朱寶文校對本書)
(徐鼎銘)

三九八〇

錄

